

白
華
前
稿

白華前稿卷第三十六

南漚 吳省欽 沖之

古今體詩城南集三

旃蒙作噩

蓀石宮庶墨菊

雨叢模糊露叢白橫枝直枝綴佳色十弓隙地花塞之
花影酒痕互狼籍舉觴酌花花不辭落墨貌花花不知
高低向背妙惟肖元氣所到無成虧先生三絕實時輩
冷客招要坐鱗次籬下爭餐秋菊英圃中罷讀春坊字
陳清款紙伸丈餘纖兒色駭珍璠璵卒然筆趣趁荒率

白香山集
一凹一凸紛斑如綻者如鈴縮者爪簇者成窠斷者拗
突兀從教石筍撐蓬鬆定有苔紋綾此花情性沖隱宜
肯入俗眼遭妍媸不用安棚堆錦繡幾曾簪緹買胭脂
古來畫蘭畫竹參篆隸鼠尾丁頭結體勢畫菊卻於草
草求生管匆匆恣游藝墨香倡和名蹟湮嘉禾忘掩雲
東塵成化中嘉興姚公綏爲許進士廷冕題墨菊卷周桐邨沈石田有和詩我今讀畫起
三歎此是先生親寫眞北風騷騷敝裘茸阿凍留題臂
平拱巧偷豪奪皆吾徒持謝牙牌訪嘉種

味經師寓園長夏圖

帝闢杏冠蓋出郭涵道心林塘曠相屬言面西山岑入

門賞松石竊窓停蒼陰朱藤冠華宇丹蕖浮曲澗卽物
感欣暢始知夏已深亮無熱因觸蕭暇同皋禽誼士不
改術丹鳳不改音身披一品衣手揮五絲琴

著作承明廬炫奇在文賦辭條非不繁經訓妙所務我
師當過庭六籍討真趣綜甄兼百家矧敢薄箋註含英
復咀華茹新亦溫故醸醕歸大醇此味託墳素道山清
切地退直振高步彼哉邢魏徒勘書事章句

九龍秀天表少日居舊園高堂遺多故籞走中煩冤古
人涉憂患問學矢勿護蒲輪召斯寵虎闔名尤尊煌煌
五禮書真可懸國門宣付寫官寫羣喙皆息喧禮以未

然禁刑以已發援引經折疑獄誦習儲本原

吾鄉老中允

黃唐堂之雋

江館總書局傾心說大賢光華見

膏沃等身與滿家屬贊譬菽粟自叨稽古榮弼教格頽
俗茲圖湖何年眉采蔭穠綠層閣延微涼不覺遠炎溽
忝從河汾遊誦法事校錄撫卷思遁然窺園媿遐躅

述庵三泖漁莊圖

我友淡蕩人結廬泖湖側身披白鷺蓑手櫛龍須笛蘆
漪蓼岸清且都匆匆忽墮洛陽陌應官蹋鼓天未明波
驅馱夢行夾城張衡不樂處機密王衍自來忘宦情畫
師拂卷素戒我汚寒具曬網掠烟郵回船覓津路將晴

未晴薛濶雲欲瞑不暝華亭樹有時三姑乘月來驚起
鴛鴦出沙步憐君待詔辭竹關蓬池研牘紛丸爛魚牀
蟹簖間何闊展罷玉父爲解顏君言五十掉頭去富貴
功名草頭露有日不歸如此湖草堂祇在湖深處吳生
與君廿年舊知君草堂苦難就豈惟無貲結草堂漁弟
無參門巖竇卽今莊覽動遐諷元真天隨見伯仲老氏
長滋山水娛魯門那藉鼓鐘送乃知三泖之勝天下無
圓冰倒瀉青糗糊湖莊似此信清遠鷗眠鳥語疑可呼
不爾焉能爲此圖嗚呼此圖此景世恒有者番端落散
人手

送人歸白門

春水汨春冰春帆下廣陵杏花松路店荻筍版橋晉華
髮歸何定茅龍挾未能秦淮重五夕好憶帝城燈

閨花朝小集聯句

新雨迎寒食省欽街塵燒乍消長明重來尋酒社晉芳
兩度得花朝錫熊院靜雙鳩喚仁虎簾虛一燕招初泥
痕融藥甲文哲烟色潤蘭若省欽草草流光駐長明遲
遲閨氣調晉芳旬初期未準翰墨記洛陽風俗以芻熊
二月二日爲花朝
月半候仍遙提要錄唐以二月十五爲花朝
仁虎此日鄉風舊吳俗以二月十
三爲初今年節物饒文哲葉增桐暗覺省欽芽熟菜頻

挑長明直卯芳時又晉芳生辰故事聊錫熊何神司長

養七虎有客惜漂搖初多謝寒輕勑文哲相逢信久要

省欽聞情風共祝長明小影月同邀晉芳賸絲看猶結

錫熊深杯試更澆七虎聽餘鶯管滑初撲後蝶衣嬌文

哲響認金鈴護省欽陰添錦繖標長明勾留禁細聽晉

芳漏洩倩長條錫熊緩緩穿林屐七虎悄悄出巷簫初

側行披密徑文哲圓坐敞疎寮省欽短榼嘉廚薦長明

明燈冷榭飄苔芳歡悰應易醉錫熊綺序本難料七虎

一倍春堪戀初三分景正韶文哲陰晴緣亦偶省欽消

息理偏超長明歲律空延佇晉芳家園漫闌寥錫熊天

天涯綠草仁虎昔昔夢吳船初

吾山夜雨停尊圖

閒庭眷華酌商氣在孤惄一種瀟瀟雨難爲永夜聽話
殘人翦燭唱罷路淋鈴滴盡糟牀響能添兩鬢星
錦瑟動鶯夜美人勞我心遠將夢破怨併入竹梧陰獨
鶴夜相警數蛩寒自吟所憐阮公淚淹戶亦霑襟

劍亭吉士長松箕踞圖

昔君圖謀耕將隱菱門上雖無買田貲三徑故無恙茲
焉盟石泉心蹟轉遼曠高瀑下雙澗微雲帶重嶂亭童
撐一松陰影走頽浪寥寥汎天風田衣水搖漾觀人復

觀我世慮齊得喪自閒索米來猿鵠互騰謗艱虞仗一
官哀樂幻千狀惟存舊文采仰屋北遐唱古德鄰太初
劫局浩難量願言共晨夕卜居介廉讓

集查太守恂叔禮接葉亭丁香花下

釀陰天氣鳩勃鬱官街沒轂溝淘泥嬾眠如蠶閉圓戶
不知暖信催棠梨朝來黃色上眉宇發函一笑承嘉撝
長缸詰屈引苔徑復櫧明瑟延藤谿忽逢妓女露姿首
種種綽約揚輕荑數團紫雪兩行粉相間深淺參高低
有亭翼然出花罅辛夷作柱蘭作枅腳鐺數坐趣眞率
仰視偏署擎青猊西厓當年盛文讌從遊羣彦皆金闈

醉翁草木例加敝漁人津洞尋復迷數椽老屋落公手
每接獻阮陪琴嵇東風吹簾鳥聲碎瓊瑤萬結交暄妻
是時卷波叫狂絕春梢撲地傾留犁游絲白日不到地
繞樹千市爭探題主人守郡百巒日桂海志與虞衡齊
遨頭導從伐銅鼓木棉蔽野山鳴啼大書照曜勑詩版
歸載片石爲裝齋休神家術辱鄰比通悅輩行忘訶詆
賣從花市尚須醉譜入藥錄非無稽來朝雨晴大難小
遲賞燈月浮玻璃

蔚田館師收綸圖

先生釣鼈手巾歲登蓬池褒然領同隊魚佩光差差舊

鄉往復還書局鉛黃疲頭廳負公望縱整行可期賤子
本促鱗濡沫吳淞渭竭來侍龍門浩蕩無津涯忘筌守
元箸跋浪開雄姿物理喻罕譬在彼亦在茲朝來告行
急謂有尊鱸思白渡烟波遠蒼獄雲海奇某邱與某水
游釣從少時二者敦夙好熊羆難兼之何如五湖長坐
把綸竿持滄江歸未晚秋漲涵渺瀰挂帆去安穩徑造
蘆之嶠彎彎月爲鉤縷縷烟爲絲箬擔挹疎雨蓑袂當
涼颸竹竿長徙徙投餌臨輕漪灑焉忽收起掉頭如恐
遲惟餘紅蜻蜓款款來相隨我聞古賢達每藉羊裘披
其下曰陽鱠入釣堪鄙夷先生使直鉤無愧名館師滿

船載明月經綸焉取斯所嗟夢狀自誰獻鮎魚嗤林寒
葉微脫且詠陰鏗詩

鏗詩林寒正下葉鈞晚欲收綸

人知得魚樂此樂

無人知吾徒抱微尚載酒懽言追一竿拂東海化作珊瑚枝

憶竹聯句

蜀植非無種省欽成林願未諳晉芳款門何所造仁虎
間徑有餘懷長明舊宅棲雲外錫熊閑園抱水涯初亂
抽簪一束文哲寒削玉千排省欽露重枝妨帽晉芳泥
鬆筠避禊仁虎相看渾不厭長明小住日爲佳錫熊琪
碎吟徒好初平安訊轉乖文哲前盟青士阻省欽別思

綠卿皆晉芳瑟瑟招涼傷仁虎驥驕聽雨階長明榭塵
凝弗掃錫熊庭月冷空筵初曲援兼荒檻文哲單扉久
閉柴省欵披襟聊此地晉芳把臂尚吾儕仁虎素節知
難改長明深緣信必偕錫熊懿材煩畫手初留影在高

齊文哲

憶桂聯句

問訊南州桂文哲丹叢取次熏初氣乘秋正滿錫熊陰
與月平分長明直幹陵松蓋仁虎盤根駁蘚紋晉芳冷
含虛院露省欵高臥小山雲文哲影識前身見初香參
逆鼻聞錫熊有華寧不實長明無隱欲何云仁虎偃蹇

懷芳躅晉芳淹留媿俗氣省欽植根遷未易文哲攀樹
望徒勤初偶爾陳盆盎錫熊猶然阻屐裳長明畫欄空
細雨仁虎荒圃幾斜曛晉芳歲晏誰華予省欽人閑最
憶君文哲蒼蒼留古貌初落落吐奇芬錫熊好服真仙
訣長明憑招隱士羣仁虎故林眇天末晉芳惆悵倚微
醺省欽

張孝廉北廳讀易圖

高館延遠陰浙瀝午風響幽居憺無營敷坐致蕭爽孤
桐翼廣除修竹蔽疏壤悠然天地初名理極俯仰觀玩
在象辭一畫示指掌始知嗜易人不作禪說賞禾中文

獻區經訓富疇曩永懷寥迴心遺世息塵鞅何日刺扁舟抱經共還往

飲恂叔太守所攜獐酒

翠樽翻墨濤味敵苦桑落酒人四座嘗未曾聞是嶺西獐丁作獐丁住巖罅職志遺虞衡厥性視猺獞猶悍難與爭冬衣去鶩毛夏木葉麻欄高架如巢檜掬水搏飯解飢渴何時學得釀法浮春碧彌龕泉冽不論斛九地泠泠響沈淥陶家制器徵絕奇縮頸重唇蟠其腹東風開甕香撲天浪花歌成排綺筵峒官鳴嗚嗚迓新壻此酒壓擔隨牲牽不然斃毘練鬚事剽掠痛飲便抵鎗頭錢

口涎膽悸拚不得重使主人笑觴客當年投牒邑管歸

郎火連邨獻雲液輕裝下瀨防觸危穩載聊同鬱林石
留君竹薄笨勸君金叵羅宅南十載淹雨惡榔杯一酌

回天和此酒醕且清藏之歲云久辨泉瑞露拜下風鯨

吸魚喟莫停口甕邊醉臥能幾回殷勤便乞鑾方守

赤雅

獮人聚而成邨曰峒其長曰峒官臂衣曰練鬚戰服曰
斃屍凡隨行攻掠者厚給其家曰鎗頭錢伐木架檣人

栖其上牛羊大豕

畜其下曰

蠶欄子

和徐芷塘秋海棠元韻

巢痕幾處認徐郎吟望寥天思轉傷何地移根迷碧海
有人散志怯元霜小名悔識當風面薄命教廻似水腸

一種相思君領取并梧陰覆鬱金堂

娶春不分睡春陽賸與淒清和笛牀團扇慢搖秋葉大
輕鉢勻妥晚花涼傳神雅唱工裁素沒骨新圓妙暈黃
御倚畫闌燒短燭玉階寒峭夜初長

絡索蟲絲曲逕穿妮人姿制故嫣然雲朝雨暮非神女
月白風清亦散仙檀板共催君莫舞鏡匣遙對我猶憐
玉羅牕外銀瓶小留與哀蘭一鬪妍

久遲暖信送梨棠十樣紛連薛荔牆幽怨漸銷金粉豔
柔情終帶綺羅香風流有種傳佳話時世無緣託淡妝
薊北江南千里夢好評花品趁新涼

戴筤圃侍御與彭芸楣端修易居用田山薑移

居詩韻見示奉和

飛蓬一一隨飄車陸沈金馬爭浮家偶然一區號瑞室
鍾嶸有瑞室頌捷足先得如奔鹿聽鶴此時訪戴宅樹雜當日
書彭衙言從米市入果巷巾有仄徑通散斜趁間漫趨
五夜漏得氣待養三春花人生託足亦前定憂喜不用
占鳴鴉井眉之居況清灑幾人飲馬停馬過往還依舊
迭賓主勿使匹處嗤匏媯

宅經聚訟紛五車江西幾派陰陽家兩家交易發宏願
不比強使輒驂廩人言涉冬墐北戶君愛及蠻移南衙

徙居故事出新意況仰屋柱無傾斜墳門賀客太無賴
開謙坐燼金燈花佳兒繞膝弄紙筆此乃清風非塗鴉
我今落成復廢韻感慨不似操參過歸來筮易利西北
悠然高枕參羲媧

次韻爲桐嶼師題石谷所彷郭恕先湖莊秋霽
田橋野色連雙塍王郎結屋居上層夕陽粉本金翠凝
解衣坐對涼鬢簪麓臺老人枕得朋不比狎主樓邾牒
是圖裏外湖滑承誅茅蓋瓦來牽仍竹樹渝然蒼霧蒸
蛾綠照檻腰熟凭往還太半雲門僧白石枯爛牛角嶒
坡羊澤龜胥佐胥得魚貫之扳裊藤前者樵唱後者磨

飛度松筠神欲矜有占城稻垂告登主人觀刈臺級升
了不驚起眠鷗鵠大致清遠踰吳興瓜皮嫩綠波面澄
瀾蘋剝芡那可乘飛放直許追魚鷹忽落公手披綃繩
謂於郭晝三折肱觸近鄉思榮一綱水郵算橘租芟蓬
射的米賤自有徵宦情薄擬蟬翼繪季真遺狂於古曾
尚友那遣澑涓澗結草堂貲交貨稱鳴欄豚柵時修增
菊天酒具齊王宏酒酣共翦西牕燈滄洲涉趣沖且恒
雙清心跡頭銜冰吳吟會吟吾亦能所愧小屐鳴秋蠅
樵風南北神式憑竊議鯨聲行桂樹著書深澤叢抄謄
買山而隱言勿憎學參畫禪公則勝

劎亭前輩葺東南書屋戲作

官貧例僦屋償租憂不堪捐錢事營葺失笑成愚憇君
家官菜園地僻疎朝參惜少著書室彌勒將移龕虛庭
一俯仰借蔭濃光含散花時惹香綺子還作甘猗與北
鄰棗要我姑滯淹昔賢稱棗東今君居棗南呼童拾殘
礫蓋以重茅苦每當會文酒小坐臨牕擔布影歸其宅
不礙涼初蟾隔牆挂纂纂側想長竿拈分無素封志撲
取嫌傷廉君家望梅者沁醋傳笑談此棗或酸棗慎勿
盛都籃庶幾杏殼後佳識徵早男

高齋詩意圖送礪齋太守之宣州

遠岫高林一桁開北樓搔首重低徊詩人例作宣城守
不藉綦枰睹決來

倒馬關前舊領符股肱幾郡借馳驅者回又駕琴高鯉
可憶淞南巨口鱸

添粟寒烟來岸籠到官差喜到家同春湖下上平如掌
使盡三江一帆風

高齋視事詠初聞水木清華絕世氣畫與謝家白團扇
相思常遶敬亭雲

覺生寺大鐘聯句

華鐘鎮祇園仁虎廓然容萬斛佞佛成祖營青浦王昶

述庵役徒少師督激電移歲時文哲傳

燭闌

涼燠探勝

慮遠懷省欽趁閒討遺躅車遲曾城阿

長明寺

聳大道

曲豐碑蛟螭蟠初巍座龍象蹴周遭庖膚渝錫熊錯立

括松槲駁蘚鋪城堦仁虎倒茄麗榜狀威神屏方良

祀

怪偉圖忽儻流鈴戛郎當文哲法鼓震塗毒繡繪內家

旛省欽琳笈中禁軸幽響飄遜陵長明妙香散篤耨耽

耽廣院呀初屹屹岑樓高聳柱擎坤維錫熊雁堂彷乾

竺風櫺亞差參七虎露拱盤歷碌上桄腰彎環祖綠壁

腳不子蟻穿窈以深文哲螺旋往而復趨趙筍虛橫省

欽帖帖蒲牢伏其圍四尋餘長明厥徑三仞足重八千

衡羸初高十六尺縮積石儲廩囷錫熊量祛越方幅頂同孟體圓仁虎身作鏡光煜辨名殊重脣組取象類大腹排樂饗饗蹲文哲介篆虹蜺東昂俄夔首擗省欽瑣碎蚪紋簇哆張陋釜簪長明雄時喧直鑿鑿有銑兼有鉦初非鎛亦非鍔中懸廬肖穹錫熊下覆室成復能能景常歎仁虎黝黝色轉沃烟焜湧帝青袍繚繞量官綠舍霜九芒寒文旨炫日五采昱鋒棱沙畫錐省欽縵理錦交縕重爲遶而行長明共作廻環讀華嚴繙寶函初般若譯珠櫝品經貝葉傳錫熊眞偶遺華續體變盧佐文仁虎語想釋迦囑蠡紐危自垂昶鯨桴怒相觸雷音走

隆隆文哲覩韻氾謾謾應大昭小鳴省欽巾左羽右鶡
豈立號立橫長明乃滿阤滿谷曰動氣必宣初維空聲
斯蓄警宵分雞籌錫熊報午間魚粥旅魂感惄惶仁虎
山鬼拜跪跼大地咸震醒祀諸天正清穆聲聞豁塵襟
文哲喟息稽故牘主鬯貌屏孫省欽操戈恣悍叔時方
息龍爭長明事忽符燕啄腹心寄齊黃初羽翼翦代蜀
葛藟忘庇恨錫熊椒聊使盈羽啓疆假以權仁虎昵器
求所欲連營諸將驍入幕一翁禿識誇瓦墮空文哲
計詭壁藏複飛颺鞴脫鷹省欽跳突原走鹿歌風北方
強長明占絲南國蹙臨江勢已成初割地議空濱郭門

宣征鼙錫熊鼓闕門戰轟宮中傳披綯仁虎殿上儼皇
籲周公輔誰欺和和尚誤難贖紀年付草除文罰鉤黨
窮訊鞠著辨衷刃趨省欵要經投筆哭號呼冤哉烹長
明狼籍弱之肉株連榜姓名初羅織籍家族兩仗修羅
宮錫熊雪鋸波吒獄孰自重泉冤仁虐莫逃一字而魯
弓假不歸和周鼎遷重卜鑄鐵悔六州文哲貢金來九
牧象功愧和平省欽懺禍懲殺戮大慈見應噴長明宏
願持較篤濁劫經刀兵初道場會水陸咨考工庄材錫
熊命將作勅屬銅調北壯辭仁虎火扇文武裕制器倕
工能祀揮毫學士獨一碑復一波文哲三薰更三沐幅

整資臨摹省欽坏圓試鍤鑿搏泥外渾淪長明化蠟中
滲漉封治長庚監初開鑪太乙囑瀉液凝碧烟錫熊騰
輝爍朱旭兕鱗降蜿蜒仁虎卦鑿繫轂轂審音析毫釐
祀中度辨黍粟雄梁高引組文哲飛架圓轉輒大衆謹
讚揚省欽羣靈駭馳逐漫將毅魄招長明直使陰魔服
解脫驅三災初祈求迓百福真諦參每煩錫熊善根種
非宿是爲有漏因仁虎詎稱無量祝縱依淨土安祀終
俾吉金辱疚心積孽多文哲彈指流光促沈埋痛瓜蔓
省欽倉卒報榆木十朝舊物貽長明萬壽崇基築明代
本時大內後移漢經廠萬歷五年建萬壽寺於西直門外移鐘於寺日俾六僧擎之見野獲編及帝京景物略

賜出從紫閣初移來近蒼麓聽周釋界千錫熊撞選僧

彌六喧寂任禪緣仁虎廢興易世局鴛舍藏至今祀虎

分禁自夙

天啓中有言寺在帝里白虎分不宜鳴鐘遂臥鐘於地見燕都遊覽志

地隨毫

社遷文哲

世閱秦灰速啞棄堆泥沙省欽僵眠蔽樸歎

剝苔過客摩長明擲礫游童朴代已變滄桑初物仍寄

輦轂流傳四丁訛

燕邸紀聞云是鐘鑄造及徙置萬壽寺月日時皆四丁未今考求樂廟無

丁未年蓋汪氏之訛也

錫熊呵護六甲肅景運逢轉輪仁虎

昌時協調燭提唱通人天祀秉持徹道俗闡法開化城

文哲棲真傍靈固挽以千馬車省欽貯之萬鱗屋奏殊

辟雍鼓長明陳擬房序玉

帝臨星罕移初

聖

作奎章燭正覺發顥蒙錫熊多生遂熙育仁虎水源功
德滋昶雲氣吉祥郁文折毋愴憑弔情省欽且暢登臨
目長明新詩如叩蓮初用補春明錄錫熊

次桐嶼師韻雲松編修移居椿樹術術

不煩綵石映紅泉略占春明自在天旋馬虛庭畱小築

陳海寧故第鳴鶯高樹卜新遷健來竟得休糧藥貧去難忘

潤筆錢應有舊聞畱日下一樓一井字玉宣

紙閣蘆簾結勝因翛然高與太初鄰向陽檐誰頻傳喜
得氣堂花蚤發陳灰陷圍鑪消飲夜墨融矮帖助吟春
閒門剝啄休嫌少試看元亭問字人

送平瑤海聖臺大令旋粵

年來忝接卯君塵造室停驂道便親爲政最宜文獻地
談詩不似簿書人匣中巨璞清門迴燈下連牀樂境真
及記鳳巢痕半埽木棉紅映海天春

青楓幾樹送江程重上朝班聽漏聲十日願從公等醉
九重喜說長官清檣喧賀辭聯翩下殿欣波渺汗漫行
莫笑腳難連手版御屏今日也書名

扶胥灣口蜃樓船斑管文章映斐然此事廢於行作吏
如君才似謫稱仙蘭亭水竹情空戀梅驛風花信正妍
纔識稽山兩前輩廬橋尊酒去翻翩

送商太守寶意之雲南

馳鈴曉語霜在轔
朔風獵獵吹長旃
南征萬里鬢垂白
獨有高興泣秋烟
滇池蒼茫滇山碧
盛覽王褒緬遺迹
衣繡寧須論買臣
移文詎比嘲逋客
三十年前吳會吟
九仙骨格張玉琴
弓衣纖句麗如此
晝閣焚香清至今
使君守滇如守粵
敢以一麾嘆淪屈
每教邊郡重循良
更遣蠻邦化文物
當筵一曲酒千巡
到及葉榆江水春
猶花羌鳥如相問
身是先朝侍從臣

次鑑南韻夜坐畢修撰秋帆沉聽雨樓

板閣連層彷彿居
松風低灑夜窗虛
人緣對雨便還往

仙好當樓淨埽除一翦偏染談最密半篷笠夢終疎
無端誤喜瀟瀟響如水閒庭葉脫餘

檐誰咬查報曉乾涉冬稀得雨聲寒但飄急雪聽逾好
若上危梯下亦難攀壁待延嵒數點逢場須作戲雙竿
與君更發聯牀慨北泖南湖底樣覓

迂竹軒

竹一竿綴以苔石題云至正庚子雲林阻風
壽明寺爲一庵作寺無考觀自題詩知不出
震澤間而集失載夢堂司農得之以名其軒
猶蘇齋石鼓山房志也

个个貧家竹幽都產未曾試懸竿一挺恍倚翠千層體
結雲林妙心游浦寺濱白蓮座外社綠葦水邊燈夜話
欣聯臂朝眠忘折肱鶯谿隨筆到鳳谷選材勝短跋三
生戀清詩七字吟流傳湖海遍藏弄紙染升愛仿蕭齋
署疑陪米舫乘幾梢風下搶數笱露高凌軒借迂爲號
堂宜夢有徵墨君靈氣涌醫俗此猶能江南人以有無
倪畫分雅俗

次韻唐花四詠

催詩如火到問坊特先春韶試靚妝幾點紅雲烘徑淺
四圍銀燭照人狂西川碎錦空湔水北地匀脂且避霜
失笑老顛花事晚此間新覓返魂香海棠

斗大黃瓷養善根國香蕉萃忍重論哀絃無語終含秀
空谷何心早變溫炙去尚聞芳竟體焚餘莫遣夢離魂
烟皋露畹風驟遠雨對圍爐壁影昏

蘭

江南江北了生涯出窖驚看一幹斜深淺未妨垂縞袂
寒暄無與寄瑤華題牋客愛疎牕擁醉酒童教隔巷賒
不比畫圓消九九相逢須作探梅誇

梅

笙歌叢裏逼新年富貴真疑得氣偏十戶憫憐貧論值
一闌孤笑熱隨緣香兼獸鼎扶頭重彩和難

此題句出王昌齡詩

如此名花如此會故應壓倒綺羅筵

牡丹

白華前稿卷第三十七

南酒齋集

古今體詩史官集一

柔兆閼茂

今起居注官爲古左右史之職而會典翰林院
以掌院學士侍讀學士侍講學士爲堂官編修檢
討爲史官蓋設官之初得與史職其名義如是也
散館之試在西苑正大光明殿幸得留館授職
凡奉使黔粵楚主文所作茲登斯集

送里人南歸

代馬蕭蕭動別情勸君杯酒送君行畫橋不盡垂楊柳
兩岸春風有乳鶯

鶴沙東北望衡居我去鄉園十載餘記得鷺肪好秋粉
韭芽黃拌晚餐虛

京國繙塵撲紬鵝潞河下水定何年人生祇有歸田好
不爲南雲也悵然

二牕春泛同竹君魚門樸爾馮紹蘭分賦

樂水抱同志冀踐沙鷗盟一人一壺榼捉掣煩僕伴九
衢厭塵擊望望循高城城邊玉河柳學鶴閒早鷺習射
預調將賣樂還支柂少焉石梁轉迴絕滄浪情冰簾挂

遙影礲激先作聲不料灰洞底曠若昭昌首招招呼舟
坐輕比花兒輕槳亦不能打篙亦不能撐環腰曳絲纜
宛在江南行郵郵泥杏愁烏烏披桃英翠鶯復羣鷗唼
喋如有爭馬飲麴塵細燕浴韓紋平但少霞蒸色遠貼
春波明閒閒荷鉏子獨上高原耕指言宰樹後爲園規
奉誠頗思款茶竈兼想移酒鎗破關久不答回櫂開瓶
罍倚酣共談往此川通漕征雲帆抵城腳疏鑿艱始營
外城拓何代臨賞無一泓長安萬人海茲勝宜得名焉
得咒之徙一勺皆蓬瀛不然下通潞欵乃歌相迎雖違
祓蘭序猶及餐筍櫻同遊笑相謂魚鑰嚴初更終當負

襍被庶用湔冠纓夢回淨如拭心蹠留雙清

西澠觀察買桐軒圖

高梧蔽孤館鬱鬱浮碧陰有時颯風雨彷彿鳴枯琴主人買此屋翦伐力勿禁盤桓撫孤幹再奉雙南金此桐得續命此屋留嗣音十年涉遊宦欲往良阻深西津曉渡北向明秋岑閒圃寄歸夢湛然清以森婆娑感生意虛白觀道心穆如詠先譯夜壁燈沈沈

和鑑南題秋帆前輩得石軒次初白元韻

生不能懸壺長安學仙伯又不能洞房連闌護錢癖何人得石搆層軒石爲主人長請客主人有客居對門詫

道石堪冠朔易花綱動地脫賄遷灰劫周星免兵厄運
去難教僮僕守時來尚荷鬼神惜摩挲唱嘆續查田爾
石雖頑見胡甸_切靈脈直同園裏參品流終擬匪間量圍

尺亞牆櫻搜撐貓頭堆砌隆隆伏麋脊要同浣花堂上
松手種一株配一石我觀顯晦皆夙緣豈少碑材臥闌
柵百金傳購餐綠蛾底事區區換雙璧歐陽致弔柳賀
遭聚訟紛綸鮮真獲人生兩膝隨一身邱壑閒蹤任爬
鬚置亦且看某局平承杯休放酒腸窄更煩畫手圖真
形槧薄軒前解裳襞石之在彼猶在君六合同歸幕與
席君不見湖龜艸甡買求益競入豪家等塵積我難買

石姑買鄰智者移山願從役物憑歲久能自飛珍重門
扉掩初夕忽記主人住弇山蘭圃猶存左徒宅

桐葉封弟得風字

有弟聊相戲頒封一葉桐當賈青匝匝在手碧玲瓏金
翦分枝後瑤章刻楮巾記言聞左史人賀見元公旣附
龍門未應輝象服崇稽符虞瑞合典誥夏璜同字啓藩
隨魯疆開索準戎嘉禾他日告萬古播唐風

集西潭觀察新植紫藤花下

閨春融融花信慢青藤吹作紫霞爛君家一本吾所憐
似枝非枝幹非幹疎難縛架誰竝題高及扶檐客爭玩

過牆而下如建瓴倒影濛濛染卮茜廻文碎錦翦重重
圓相寶瓔絡串串座中老饑涎亂流

蒙泉前輩

要采穠英裏

齋廬此時櫻筍記家廚此地琴壺話公案北海尊罍老
尚傾東山絲竹宵寧倦

孫退谷彭茶陵舊居

問花再四花不知轉

眼韶華激飛電主人歸騎自湖湘新買林亭勝萸卉未

妨當戶起車塵最愛垂堂夾泉澗昨朝依舊爲選人吏

部廳前花葱蒨只疑身在紫雲回何似此花滿庭院兒

孫初祖形體殊且倚波簾捲風幔從來花木似名節維

久乃成猝難辨斯藤結縛才數年爾許繁苞怒紛綻種

人種樹將毋同總角行行詫星弁吾儕笑口當粲如莫

放來朝落如霰明年花發君已行有花不是者邊看相期續訂林下盟日繞百市咏千篇

陸文長卿北莊課孫圖

鶴沙距滻城兩舍判緊縣交誼多紀羣早歲帆相見我翁磊落姿長頭復長面抱孫今六年恥爲梨栗戀詎惟識之無行且課經傳熟如瓶水翻探喉不容嚥莊如捧喝聞轉頭不容倦莫言黃口童速化計非便長孺與小同祖澤起嘉羨翁家著雲間簪若衣有緣不爲近市謀二頃缺營佃大兒官舍人泛宅趁風便御留膝上兒嬉嬉慰寢膳相於竹素居廊檻照華絢故物指石屏舊德

話宮扇然而懷北莊何日更增繕貲難寄草堂畫且索
礧絹修竹三二分雜花百千片水窮雲起間重茅門深
院扶杖信以怡羸金信以賤和暢類含飴劬勞等食硯
自我來大都流序劇傳箭豈無讀書處幽草沒荒壠他
時歸買帆詫此突而弁

陸丈吳淞歸棹圖

淘泥沒牒六街行孤負家林蕨筍盟說與挽鬢人記取
歸心緊似蚤潮生

白紙坊南僦破櫺深宵話雨酒初醒修羅劫後靈光在
喜見江湖有歲星

鯉庭桃李怒爭春笑向兒郎謝告身半翦綠波似青鏡
照來未算白頭人

春城隱隱水迢迢指點淞南第一橋慢艤輕帆較安穩
不須巨浪破風飄

竹素堂前石磴環依然窈窕讀書山何時也渡春申口
手替松風一撼銀

銅章七品遲新恩酒疊詩壇健更尊他日經壇勤祝

韁再騎瘦馬入修門

西澗觀察新闢石池

方池漫堂影袤廣僅盈丈淺沙多蜃流厥底覆盆蓋連

筭課薪水淨綠得滋養湖夫頗嗜奇點綴見孤蔣譬之
明月輪雲翳更堪賞其旁叢石林澑澑透蘇攤青桐陰
扶疎黃蕉風颯爽不知閒鑿初幾輩剔莎莽長安萬人
海撲面漲埃埃有水卽醴泉有石卽仙掌主人雲夢賈
意象入疎朗點蒼驟屐尋碧湘桂帆往歸買小玲瓏百
金用非枉吾欲咒使移庶慰濯纓想

爲約軒題尊甫鐵夫司訓授經圖

國家崇儒紳設官主齋舍下以望士林上以觀文化蘇
湖兩齋嗟一空此職今與承哉同教士教子術無二當
代卻數逍遙公公生丈夫子有七五郎早橐西清筆臚

名雲朵光差差公在九原笑顏溢歿者含笑存者悲昔
年親侍傳經帷紆青拖紫非所貴要使大義懸娥羲公
之遺書我未見乍過佳兒示家傳獨冷寧須華省尊三
遷未被爻章薦卻金拒請山鬼知滅誠陳書澤農便我
開兩京經術飾淳治公以師儒作循吏想見皋比危坐
時一一丹黃悉研記翹庭作圖偶然耳滿堂動色嗟神
異詩書之澤食報崇況有陰功著人世嗚呼校官何處
無苜宿飽飫山齋尉縱然不能廣厲士類如蘇湖一命
濟物寧忘諸觀公治行皆可圖出則積德居積善五郎
索詩如索逋敢振響鐸驚聾愚君不見少翁文采擅流

譽述志還雅鄒魯儒

題陳樸廬西山挹爽圖卽送之官成都

帝京形勝控山海出門西笑披晴風官人守官閉車幔
未許蠟屐輿扶籃君從舊鄉入京雖能斷家累真奇男
余神九峯積蘇耳要看兩戒雄北南茲山近接太行脊
揭來燕市遊頗堪酒徒結交詫獨醒賈胡論直驚羣愁
高頭大鼻氣深穩無取奪席驚高談昨朝響絳索人畫
櫻鞶桐帽隨行擔絃琴在囊劍在室祕策更向靈威探
彼陀簇簇點苔翠安膝且坐黃泥龕僧房青豆竝廻互
京闕黃瓦相差參星陀中陀遠勢落戒壇潭柘層陰合

林林人影滿阘谷知有石炭馱疲驂於時佳秋轉蒼蕭
丹黃病葉霜將酣支頤露頂看不厭但覺商氣浮長豁
此間可樂那思蜀一官萬里行趨邇芋田橦布事粗辦
宗資成瑨謠無慙錦城青城足攬勝詎必峩雪投經庵
桑乾河邊折楊柳春風澹沱絲垂鬢他時朝京報政最
戀宿應類浮屠三

御試麥浪得翻字

芳疇春浪湧麥氣動郊原密穟青沿岸輕花白到門千
棟堆浩浩萬斛倒渾渾餘潤多占雪先秋早訊源差池
白感生燕散漫迴浮健曉刈鏰思捉晨春礮待奔候兼梅

雨熟信逼棟風溫尚憶勤東作攜劙手自翻

麥光迷望眼激浪詫平吞正及漸漸秀長兼颯颯翻黏
天雲護影漲地雪流痕翠涌高低陌藍拖遠近邨浴隣
文雉往吸誤巨魚掀籠上留陰曉邨中射氣昏風濤三
峽勢雨露一犁恩好待金波拂霏香餅餌溫

散館授職紀

恩四首

六街新報狀元歸西苑熏絃協舜揮禊被預租金地
淨押班齊望火城園三年教養恩如海兩字賢良
德有輝執卷趨踰敷坐穩箇叢几咫顏威

時尹文端

劉文正以大學士爲館師率領
恩訖入賢良門散館

殿東晴接殿西陰正大光明仰

帝心丹字分題雙

捧下錦袍合跪三思尋盡卽忍切求麥龍秋濤壯莫負花

輒畫曷沈一賦五詩真鹵莽願闢鳳律破蛩吟是日試八

省欽成五首
輒形賦麥浪詩

翠輦東來降玉階羽林全撤仗雙排平臨天步光

先近宣索雲箋韻未諳

已刻上殿

御輦經殿前隨下論詩成者以稿上

封進閉門重簡點評量樞院勘參差二三等第勞

宸覽留館容看發綠牌

清漢書皆分一二三等拆封後依序繕綠頭牌引對勤政殿

宵衣勤政仰

家傳雁序通名豈論年職志已完文士業詞章也荷

聖人憐但循資格安時命蚤託編摩遺俗緣如此清華
難副望向陽葵藿勉精專省欽與修一統志音韻述微
續文獻通考略列一等第二

樂賢堂雅集圖爲定圃師作

憶昨昭陽歲霓裳詠大羅軫材如我少藻鑑自公多既
輒看花宴頻勞折簡過有堂近東墅子令紀南訛淡蕩
消炎靄悠悠起嘯歌藤陰前設席柳岸下鳴珂短柄間
揮塵深杯緩酌螺輩曹寬接納禮數謝頃昔風雅西園
振煙雲北苑拖一時陪勝集七字繼清哦故事徵斯在
同年會若何師門仍使節乙酉秋師復主鄉試前視學九畿歲序並流
波複闋窺無恙前塵記不磨羣賢皆談蕩賤子亦逶迤

詩遲三年約恩將十賚科平泉盤泊處醉眼重摩杪

廖六明府清華水木圖

佳山如故人迤邐宛相屬意行先坐忘樹色湛寒綠素
襟披好風萬境轉森肅不聞衆鳥喧道心在空谷自來
作吏難料理困塵牘夫君餘古懼政成採幽躅相見雖
無期相思日以續寒溫訊哲兄每話士龍屋想象訟庭
間琴聲泛枯木

遜華重至都中有贈

牛車幾度遠天涯燕市重來鬢換絲顚我畧同華表語
磨人祇爲草堂資戲當竿木逢場後事在麻衣罷社時

聞道種松鱗更老一丸長醉墨淋漓

送錢學士辛楣

大昕假歸嘉定

涼飆鳴樹枝一逕積黃葉閑歲驚早寒易凍渡河楫戒
裝何匆匆話別日喋喋秋士本善愁況途馬蹄蹠膠城
東海隅練水抱樓堞人文興百年作者案可牒鳳阿及
樸鄙遇窮望差愜峩峩致若張鵬青紫芥同拾先生
致身早奏賦動簪翫廻翔館閣開學子瞻俱憫經義探
鄭元文心抗劉勰讀史證碑版審音論雙疊朝章尤粲
然爛熟號行篋開元與政和安足供凌驥先生修賜子
田間來幸獲免彈鋏鄰坊春旣連書局茵亦接資分雖

絕懸苦惱極周浹銷寒冬擁爐追者夏攜箋款闌賞疑

事迥然笑展靨首春賦添丁湯餅羅枕櫈佳慶充門間

惟喜到僚妾胡然示疾餘涼簟夢驚殷竟符炊白占愴

況淚承睫鯀魚夜不眠歸思飛猿狽以公邀

文字報職業副相適缺人會見藉貞協初非鶴退飛奚

翅蕉倒嚼家江繩可居毋過飯魚蜘蛛速往仍速還徒乃

費輪牒公言往京久卜請詎煩揲

帝鄉豈不懷世

途亦屢涉便指違里門幾易玉階莢顧雲貌含遙放溜

水程捷江湖同隊魚游泳互相挾

曹秦兩同年近俱相繼假歸

非敢

耽隱淪暫與息疲荼南中訪藏書百城好兼攝及此不

少休雨霽雪添鑷公有買山貰僕惟乞米帖戀棲如疲
鴦戀花如病蝶出郭風蓬蓬夾岸雨雲雲相送返自厓
黃塵滿衣被

強圉大淵獻

一泉上人出寒圖

黃風吹旗浩呼洶邊門沈沈萬仞拱鳥飛不下獸亡曹
豈獨肉身斂肩踵一公早及禪林逃頂禮五髻開金毫
隨身兩膝健如犢飲馬忽見長城高高望且指
斧冰屑糜凍不死雁影同飛都尉臺鶴聲可憶平原里
前身我亦雁門僧無分招要支瘦藤巡徧梅花問孤衲

影堂何處白雲層

李烈婦詩

婦民覺羅氏易州牧李君文耀繼室君前妻
弟陳三乘李他出醉裸入其室婦手刃焉既

乘間自經 詔旌其閭

朔風吹易水水寒馬傷骨驅馬意躊躇行人血交沫專
城賢使君建豎甚宏達凌晨乘朱轎按部下農垡大婦
繼室來素不出閨門風尊上都奕代光華闕狂且狗
彘耳肺腑辱瓜葛沈綿遊醉鄉不日復不月闌然入我
堂氣象太唐突是時夜漏半媼婢起反蹶簪燈耿未殘

衷刃手親拔乘間春其喉弱腕力轉脫死人真赫然事
幾介倉卒鳴鼓召幕僚急欲自刺割媼婢爭把持且待
使君訣使君聞變歸慰藉語慘怛可死可無死此賊迅
見殺殺身思自明跡已近女俠古人尚中庸大婦幸裁
察從容數日間守者意稍忽大吏檄使君赴省作小別
有櫛懸我裳有櫛理我髮還從別室中閨戶挂梁揭是
時 帝南巡大吏口奏訖 天子屢頷頤表宅樹
雙闕孔雀鳴南枝聽者皆茹泣伯姬不自焚要亦匪苟
活要惟不下堂麟編示特筆我從史官後高節仰舉羣
欲服白衣冠挽歌悵遲發

龍塘水部秋樹讀書圖

清遠吳興郡
賓香拂櫈寒
讀書自怡悅
撫樹且盤桓暮
色延平楚秋聲
滿曲闌
紓袍停賞處
顧戴切雲冠
江關遺堵宅
生長六街塵
晏歲仍華予
空山若有人微
雲弁峯夕綠
水雪繁春言訪戴
公隱浩吟懷抱真

送鶴邱比部假歸

之子竟歸去
思歸非一年
白雲三省客
春水五湖船
路愛浮家
熟人稱治獄
賢棠梨花放
不風雨滿高阡

曹郎非不達
十載住京華
長大看兒女
艱難計室家
朱陳添問訊
羣紀雜喧譁
四十爲翁姥
憑將樂事誇

喚鶴沙頭路西東一舍違昔教成閒阻此喜得因依短
轡評花擔初筵角酒圍長安深巷底今後舊游稀

無田我焉往往念先廬飲帳情空遙還 朝望未虛
白鷗眷盟侶丹鳳拜除書莫戀璫鄉美中年遽遂初

七星巖歌送盧吉士歸粵

星爲精石爲質端州城北鍊形七招搖墮地聲殷空幻
作靈巖障南日道人手拍洪崖肩上界歷歷窺瓈璿乘
風浪宕杳無極著腳祇在州城邊泱泱灑湖波水連烟
復斷彎環當衆峯餘液漱雲漢杓三魁四牢擣扶珠斗
盛漿浩彌漫東峯迤邐張玉屏蟾蜍仙掌紛見胡甸切形

閨風天柱在襟帶種種姽婳仙則靈崧臺聳正中一竅鑿吳府帝鴻觴百神遺柏變鍾乳瓊芝琪草春班班眞向蓬萊割左股忽然拄壁鏗杖藤隱約遙津振河鼓我思瑤光七星主九州一卷何足關冥揆又思包公七井溢甘潤觀象還應應列宿嘯臺醉石堪醉眠有峯慎勿飛上天夜來獨上高城望綵筆分明凌紫烟

集徇叔太守橫街新居看芍藥

判年僦住橫街宅暇日招停上客車撥蠟細傾淮岸酒圍金早壓洛城花擔頭趁曉來初市窖底偷春得幾家爲語文章賢太守何時真放廣陵旛

范比部賀家湖榭圖

地傳慶忌名

見賀方回傳

水待馬臻課何人來乞居姓此湖

爲賀比聞壅葑田無復向時大譬諸明鏡臺土苔蝕使
破夫君家鏡中菱蛤代耕作結樓還讀書晚唱夜漁和
當其香暗浮荷風颯以過倚門青自排俛檻綠難睡一
從京洛遊官馬兀顚簸清景供追摹猿狹鶴怨無那君家
例有湖吳越可接座倘爭王謝嫩勝事定流播水北安
酒鎗花南頓藥磨居然五月涼容我擁琴臥

題乩仙畫卷爲慕堂給諫

佛說清淨緣神仙劇游戲斑斑榴皮書歷歷洞簫記續

紛見胡何靈蹟惝恍無自始知翰墨緣洞真不輕棄
於畫終未聞儻忽擅圖繪朝霞連晚霞紅影遠搖曳遠
岸碧差差遠水白泙泙繩橋整復斜帆葉向還背林無
一鳥飛雜樹短於脊籬無一犬鳴老屋破於寺遙情極
蒼莽勝賞極姿媚得非天上人轉憶人間世傳聞齋沐
初松局畫常閉山童攜斗來夾几喚扶侍几上紙乍伸
斗邊筆先掣禱罷仙若騰兩腋走風勢風止畫遂成桃
源境秀雋排籤十千指作禮讚神異何年歸慕堂巾杖
滴丹翠向非仙骨多多恐失交臂我窺玉女牕泠泠拂
幽吹竟從山澤遊此圖倘容乞

四月三日集笏山副憲時晴齋藤花下

若教秋閨移春閨今日原應展禊來坊對靈椿依北道
箭傳仙漏放南臺連筒噴水塵皆抖疊石藏山路試猜
醉倒麻姑城畔酒機房多半出羣才

蒼藤十丈走修蛇不見藤時爲見花塔架漸掀風信老
排檐休挂雨痕斜翠恩幕幕窺無罅瓔珞綏綏折有丫
合向高齋題紫雪快晴莫遣右軍誇

爲西潭觀察題尊甫右丞協領牧牛遺照

長林積風搖暮寒莎肥草輒春滿灘幽人獨往賞泉石
短衣至骭頭不冠五十之年鬢鬢白爲葺行廬坐籌策

協領於康熙間督工少時奇服倚雕弧老去狂歌拓金
金山七日而贍盡自

載千蹏貨殖良可咍廟機繪繡莊所哀鸞環者角禿速
尾一麾一叱心悠哉爾牛亦得自由趣垂吻清流目雙
注尻高於背項隱肩欲行非行住非住一羊九牧乖牧
芻翁本識字耕田夫不廻藏史出關駕且拜將軍懸閣

圖

宋謝文節橋亭卜卦硯歌

硯歙材修九寸七分廣綱之程文海銘其兩

旁又閩趙元題云赤樂丙申七月洪水去橋
亭易爲先生祠相地得之天津周焯月東抱

硯且死屬其子以遺恂叔太守於粵之太平

同錢少詹戴王比部昶許穆堂寶善吳鑑南

黃

兩農部曹編修仁虎程晉芳孟鉞趙文

哲嚴長明陸錫熊五舍人賦

松堂沈沈血斑見胡何切主人示我疊山硯建陽之市紛

闕然獨抱首陽石一片疊山射策起丙辰肯以磨穿弦

文戰園湖坪上軍馬潰唐石山前姓名變一橋重拂紹

興題說到朝天淚珠濺韓破難逢圯下期楚囚枉學新

亭宿明知天意厭著龜頓頑食之等農佃此時此硯共

危苦簾外黃塵學胡旋艱貞卦德占明夷滌筆陳書卻

交薦江南人物數巢由試玩銘辭重詞院水底寧隨周
鼎淪壁間直竝曹碑奠我儕問石石不言回視主人慘
寒顛月東處士吾石交臥蓐傳言寄蠻甸琉璃匣影摩
日星坐使炎州颯霜霰今朝開匣鋪細旃瀲墨研朱日
千遍死友每輕金斷堅連臣豈作瓦全賤端州寸土歸
破亡何物區區尚完善君不見鷗波亭長天水孫染翰
從容侍春殿乘錢取米心硜硜尺璧流傳盡傾羨千古
同留玉帶生結得比鄰長北面

湖天秋思圖

十載江湖隱抱關掉頭遜爾海東還何時真買三間屋

占斷蘆漪又荻灣

櫛頭船穩泊苔磯目盡烟波碧四圍檢點漁莊秋大好
要隨釣叟著紅衣

冀同年

膠文言高要張次叔以康熙癸未籍諸

生牽連罷削今復以癸未遊於庠年八十七

矣有婦有子有孫曾索詩紀之

端州一老翁矍鑠挺腰臂楮墨親扶攜云應童子試問
翁齒若干八十七正紀文字頗順從筆筆秋蠅細拔之
升頰官邦人喜相謂

仁皇昔御宇紀元四十二翁時弱冠餘名籍博士隸被

削心晏如无妄涉他累舊物今克甄先後兩癸未號舍
仍不移名第亦不異還家對孟光差覺子衿貴挽鬢來
孫曾擔酒辱鄰比此邦氣磅礴往往見胡甸人瑞羞餘
三孝廉館職荷天賜語翁行勉旃舊美慎母棄

慈慶竚八旬公車僧計吏

辛未辛巳下第舉人以年老予檢討銜者粵東凡有三開

平周中規東莞張揆紫吳川麥國澍

題榕巢圖爲恂叔太守

蛾眉山前晝播鼓郎火連雁試旋舞使君千騎居上頭
中有鴻濤遶平圃老榕園春難紀年不材甚至遺樵斧
蟠根貼水如曲防宛轉突梯上闌櫓候撐一幹高嵒雲

仰者仰之俯者俯十梓八八粉縱橫著個搢櫟缺斯補
烏几指時香篆凝青絲解處酒籌賭頭銜潤美是亭長
爪跡雖空類巢父若稽雅訓榕曰容橫蔭連蟠御炎土
厥幹非幹根非根十萬獐龍劣無主尾升首降呼駭人
空腹彭亨張淫蠱連城巒巒配庸神報祉隆隆祀田祖
桂林一株聞更奇葩陰陽作門戶茲巢結構尋丈間
御勝花源與梅塢主人遠契鶴居人肯學銜泥費辛苦
歐亭豐榮彼一時韓木科名此千古叢谿幽峒懽囉喚
譬若致巢在桐乳卽今奉譴還北轍接葉亭孤蔽風雨
忽然遠夢飛跕蕷一芟一棠足摩撫我儕微願似鷄鶴

倘許雲松葺層宇不然懸版依海棠醉倒徑眠月卓午隨緣飲啄長自如鳥之所棄我則取豫章名郡荆名州一任萍蓬寄官府題詩笑拊心太平姑聽驚霆夜按柱小次韻送知白歸崑山

伏雨飛晨暮衝泥遠怪君大兒才接武上相與騰文遊倦雲催散談高漏聽分轉期歸路緊推戶盼晴曛白頭人善飯底事寄當歸左席虛東閣前塵落北闕旅餘絲鬢改遷後草堂非去住腸廻九幡然駕四駒

玉山青一角吟社畫難成差抱匡時願休高處士名雀馴場稻熟鷗泛渚花清留待衰遲景相將抱犧行

同學翩裘馬言愁我亦愁艱難求一第離別詠三秋到
日親應健他時賈必售師門情不淺須爲北裝謀

題榕巢太守入蜀圖送之寧遠

重山爲隣獨山蜀三刀夜夢益州牧萬里之行自今始
落日蒼茫隱雲木邛笮諸夷紛負簡郤留家累住長安
此地到官容叱馭當時著錄號驂鸞五管迢迢直交趾
六載炎荒橐如洗故廨爭刊長吏碑瘴鄉怕脫中年齒

太守守粵時落十八齒

恭聞清暑出灤京

御筆親除太守名

檄諭早馳越嵩水羈縻遙指米羌城郡樓烏鵲吹角
絕徼青蛇莽遼邈鹽穀休教槧木通馬牛且置牂柯椎

南撣計日授降王利器須將盤錯當府舍神靈圖倜詭
蠻陬賤幣斥輝煌溫間從容對良久撩鉢歸來理轡
首遠曲憑調蜀國絃征車罷酌秦川酒兩厓沈沈青鏘
天天梯危度深樹嶺棧雲迷濛石苔滑何處信宿投人
烟歌堂無風浩呼洞展對摩抄起惶悚董生能事通鬼
神況是尚書筆先擁圈爲富陽董宗伯落點而耕雲成之青帽披驥入劍
門籌邊慷慨共誰論草堂編集特餘事要使人知漢吏
尊

九日集英少農獨往園再送榕巢太守

紫陌分秋逕幽尋吾輩同屐衝乾葉亂簾捲好山通作

郡誰將別爲園此獨工登高來歲會有望寄聊筒

習庵編修難燭修書圖

兩館聯書局餐錢月給巡形聲標學子文獻託詞臣

時修

音韻述微續通考八斗量才最重霄遇禮頻制科三賦重得第

一資循就邸容將母趨庭準乞身欲教投去轍已分作
勞薪簿領催同迫裴呈限必遵策動毫吮彩繼晷燭燒
銀壺箭寒沈夜燈檠暖漏春繡杼高入蒼縹架細排鱗
十腕杪應脫雙眉畫尚攀葉隨根結子星替月司辰隔
慢聞宣喚當簾識笑嗔舞憐風翦蹀行怯露珠匀心字
濃如許腰支細莫偷渝將囊滿囊送與羲生塵洛下停

吟憤泥中屬對新合榦詣好語破瑟省前因故事徵修
史幽歡擬會真把杯長嘯晚堆案太紛綸直院非無暇
披圖似不貧銷魂愁小別作態想橫陳芸閣般陪席花
源枉問津修成黃帕捲誰喚蚤朝人

鷗北耘菘圖送趙雲松前輩

名冀字甌北

出守鎮安

團團白茆舍湛湛青瑤流南有幾枝菘北有數點鷗鷺
邊主人望天水館閣廻翔踰一紀勑宴曾叨魚藻榮懷
歸祇爲鱸尊美昔年別鄉縣草帽走京師有如水中鳧
泛泛無所之羣羊蹋蔬入皆夢惟有健筆酷似飢鷹飢
朝吟蘋階暮薇省姓名鄭重書臯恩蛇年況作探花使

田夫識字能爾爲松若不徑已蕪桃李陰漸長自鹽赤米

堆座來中有荒莊是吾黨董生宿草良可哀編詩坐失

韓門才

甌北自編近詩時董吉士湖歿已三年故及之莫言鷗字象三品不歸

翻遣鎔禽哈呼童鬪鷗闌詔我種花訣菘葉大如敘菘

花落如纈祫衣搖曳如羽衣便是春耘好時節春鳥時

一鳴竹樹含雙清野橘隔蒼霏沿遍涼鷗聲爾菘何與

爾鷗事毋乃三箇兩箇馴習爲鳥耕我聞東海人閒閒

狎鷗去機心一昔同桔槔相近相親事難據又聞北山

客頓頓餐晚菘移文一時怨發鷗學稼學圃荒前功鷗

耶菘耶詔奇絕百億化身恣饒舌卽看甌北號雲松何

異鷗波署松雪君今五馬向南交持謝鹽齋百甕嘲金
柈但擘檳榔果玉杖還尋翡翠巢蓮花埂下課耕織送
薤拔葵義粗識浩蕩且遲沙上盟青黃要察民間色